

第〇三九册

曆象彙編

庶徵典

星變部

三
卷
（卷）

古今圖書集成

中華書局影印

圖書集成
醫部全錄
卷之九

七

古今圖書集成

中華書局影印

欽定古今圖書集成曆象彙編庶徵典

第二十七卷目錄

星變部彙考一

新法曆書圖

危宿 箕宿 室宿 斗宿 奎宿 參宿 井宿 鬼宿
柳宿 星宿 張宿 翼宿 參宿 井宿 鬼宿

周禮

春秋緯

洛書緯

史記

淮南子

越絕書

後漢書

晉書

唐書

地理通釋

宋葉時禮經會元

鄭樵六經奧論

癸辛雜識

圖書編

羣書備考

春明夢餘錄

管窺輯要

周天易覽

明一統志



庶徵典第二十七卷

星變部彙考一

新法曆書

周天列宿圖

按占星變者須先知經星緯星行度及等數然後
可以占驗但緯星本輪周天曆家自有專書茲惟
取三垣二十八舍分圖先列
於前以備占驗家考證云

紫微垣圖

此等天象近漸微
清星附俗微此


太微垣圖




天市垣圖

角宿圖

亢宿圖



氏宿圖



房宿圖



心宿圖



尾宿圖



箕宿圖



斗宿圖




牛宿圖




女宿圖




虛宿圖




危宿圖



室宿圖



壁宿圖



奎宿圖



婁宿圖



胃宿圖



昂宿圖



畢宿圖




觜宿圖



參宿圖




井宿圖




鬼宿圖




柳宿圖



星宿圖



張宿圖



翼宿圖



軫宿圖



周禮

春官

保章氏以星土辨九州之地所封域皆有分星

注星土星所主土封猶界也劉執中曰角亢氏

兗州房心豫州尾箕幽州斗牛女揚州虛危青州

室壁井州奎婁胃徐州昂畢冀州衛參益州井鬼

按星變占驗皆當先定三垣二十八舍之分野然後占驗有準故星變部中先列圖于前大列諸家論分野者于事應之前庶占候家有所適從耳至于歷代輿地沿革不一諸家議論各異茲並採之以供考證云

雍州柳星張三河翼軫荊州 薛氏曰星土之說

不明舊矣有爲北斗之說者謂七星主九州若雍屬魁星翼屬樞星兗青屬機星徐揚屬權星荆屬衡星梁屬開星豫屬搖星之類是也亦有爲五行之說者以爲十二次主九州若降婁元枵主于岱歲星位焉鶉首實沈主于華太白位焉之類是也以今攷之則不然星土蓋分星之十二次分屬九州十二次雖分十二土然合而言之爲九州而已成周盛時諸侯封域基布九州大者百里有次者七十里小者五十里附庸小國又不能五十里者固不容皆有分星之次大率所封之分星皆以九州舉之自春秋之時不明九州之星土即分星之所次至韓趙魏三家分晉而堪輿之說起初分十二諸侯上配天文十二次彼戰國時強者陵弱大者并小其分疆錯壤雖連亘數千里然侵奪去取初無定論果能盡合於天文之度乎况星紀於天文在東北乃以當東南之吳越鶉首於天文在東南乃以當西北之燕秦周都關河天地之中而鶉火則南方之次齊都營丘實負東海而元枵則北方之次止分十二國猶不當天地之度况乎國千八百欲盡以天文分星槩之耶先儒謂九州中諸國分星其書亡矣堪輿雖有郡國所入度非古數也謂堪輿非古數是也謂亡其分星之書則未之思矣豈知諸國之分星即分其九州之星土其爲分星乎吾固謂十二次之星麗於九州則爲星土分於天下諸侯則爲分星何則青州之星土則元枵也齊之分星屬焉揚州之星土則星紀也而吳越之

分星屬焉以至兗之壽星荆之鶉尾皆星土而爲

鄭與楚之分星雍之鶉首冀之大梁皆星土而爲秦與趙之分星若夫梁州之實沈其地入於雍豫則星土亦分於雍豫而爲豫之分星徐州之降婁其地入於青兗則星土亦分於青兗而爲魯之分星今以傳論之左傳昭公十年有星出於婺女鄭神龜曰今茲歲在顓帝之墟姜氏任氏實守其地釋云顓帝之墟謂元枵也則知元枵爲齊之分星而青州之星土也左傳昭公三十二年夏吳伐越晉史墨曰不及四十年越其有吳乎越得歲而吳伐之必受其凶釋云歲在星紀故知星紀爲越之分星揚州之星土也爾雅云析木謂之津箕斗之間漢津也釋云箕龍尾斗南斗天漢之津梁爲燕分而幽之星土也左傳襄公九年曰陶唐氏之火正閼伯居商丘祀大火而火紀時焉故商主大火宋爲商之後故知大火爲宋分而豫州之星土也昭公十七年星孛於大辰及漢梓慎曰漢水祥也衛顓頊之墟故爲帝丘其星爲大水此姬晉爲衛之分星而冀州之星土也襄公二十八年梓慎曰歲在星紀淫於元枵蛇乘龍龍宋鄭之星故知壽星爲鄭分而豫州之星土也鄭語周史曰楚重黎之後黎爲高辛氏火正則知鶉尾爲楚之分左傳昭元年鄭子產曰遷實沈於大夏主參唐人是因知實沈爲晉分而并州之星土也皆分星之見於書傳可攷也然諸國之封域既列於九州之內則諸國之分星即九州之星土尚何泥於北斗五行之說乎 賈氏曰歲星或西或北不依國地所在

以古之受封之月歲星所在之辰屬焉耳

以觀妖祥

黃氏曰日月五星共動者二十八星不動者二十八星各有所主後鄭言古數之存者十二次之分而已唐僧一行分星度豈非堪輿遺學與其鑿亦甚日月五星占其動故言觀天下之遷二十八星占其不動故言九州之地皆有分星鄭云主用客星其字之氣爲象恐非其字五星之變則其動者常星自有變當占 王昭禹曰以觀妖祥則分星所主在地者妖祥兆乎天以所主之分星觀之則九州之妖祥灼然可見矣

春秋緯

元命苞

昂畢間爲天街散爲冀州分爲趙國立爲常山牽牛流爲揚州分爲越國立爲揚山軫星散爲荊州分爲楚國荆之爲言強也陽盛物堅其氣急悍也虛危之精流爲青州分爲齊國立爲萊山天弓星流爲徐州別爲魯國徐之言舒也言陰牧內安詳也五星流爲兗州兗之言端也言隄精端故其氣纖殺鉤鈴星別爲豫州豫之爲言序也言陰陽分布各得處也東井鬼星散爲雍州分爲秦國得東井動深之萌其氣險也觜參流爲益州益之言隘也謂物類並決其氣急切決列也箕星散爲幽州分爲燕國管室流爲并州分爲衛國并之爲言誠也精舍交并其氣勇抗誠信也

洛書緯

甄耀度

蟠冢山上爲狼星武開山爲地門上爲天高星主罔
圖荆山爲地雌上爲軒轅星大別爲地理以天合地
以通三危山在鳥鼠之西南上爲天苑星政山在崑
崙東南爲地乳上爲天廩星汶山之地爲井絡帝以
會昌神以建福上爲天井星桐柏爲地穴鳥鼠同穴
山之幹也上爲掩畢星熊耳山地門也精上爲畢附
耳星

史記

天官書

角亢氏兗州房心豫州尾箕幽州斗江湖牽牛婺女
揚州虛危青州營室至東壁并州奎婁胃徐州昂畢
冀州觜參益州東井與鬼雍州柳七星張三河翼
軫荊州七星爲員官辰星廟蠻夷也

甲乙四海之外日月不占丙丁江淮海岱也戊己中
州河濟也庚辛華山以西壬癸恆山以北日蝕國君
月蝕將相當之

二十八舍主十二州斗秉兼之所從來久矣秦之疆
也候在太白占於狼弧吳楚之疆候在熒惑占於鳥
衡燕齊之疆候在辰星占於虛危宋鄭之疆候在歲
星占於房心晉之疆亦候在辰星占於參罰及秦并
吞三晉燕代自河山以南者中國中國於四海內則
在東南爲陽陽則日歲星熒惑填星占於街南畢主
之其西北則胡貉月氏諸衣旃裘引弓之民爲陰陰
則月太白辰星占於街北昴主之

漢書

天文志

甲齊乙東夷丙楚丁南夷戊魏己韓庚秦辛西夷壬

燕趙癸北夷子周丑翟寅趙卯鄭辰邯鄲己衛午秦
未申山齊酉魯戌吳越亥燕代

地理志

秦地於天官東井與鬼之分野也其界自弘農故關
以西京兆扶風馮翊北地上郡西河安定天水隴西
南有巴蜀廣漢犍爲武都西有金城武威張掖酒泉
燉煌又西南有牂牁越嶲益州皆宜屬焉自井十度
至柳二度謂之鶉首之次秦之分也

魏地觜參之分野也其界自高陵以東盡河東河
內南有陳畱及汝南之召陵潁疆新汲西華長平潁
川之舞陽鄆許偃汝河南之開封中牟陽武酸棗卷
皆魏分也

周地柳七星張之分野也今之河南雒陽穀城平陰
偃師鞏緱氏自柳三度至張十二度謂之鶉火之次
周之分也

韓地角亢氏之分野也韓分晉得南陽郡及潁川之
父城定陵襄城潁陽潁陰長社陽翟鄭東接汝南西
接弘農得新安宜陽皆韓分也及詩風陳鄭之國與
韓同星分焉鄭國今河南之新鄭本高辛氏火正祝
融之虛也及成皐皐陽潁川之崇高陽城皆鄭分也
自東井六度至亢六度謂之壽星之次鄭之分野與
韓同分

趙地昂畢之分野趙分晉得趙國北有信都真定常
山中山又得涿郡之高陽鄭州鄉東有廣平鉅鹿清
河河間又得勃海郡之東平舒中邑文安東州成平
章武河以北也南至浮水繁陽內黃斥丘西有太原
定襄雲中五原上黨本韓之別郡也遠韓近趙

後卒降趙皆趙分也鴈門於天文別屬燕
燕地尾箕分野也武王定殷封召公於燕其後三十
六世與六國俱稱王東有漁陽右北平遼西遼東西
有上谷代郡鴈門南得涿郡之易容城范陽北新城
固安涿縣良鄉新昌及渤海之安次皆燕分也樂浪
元菟亦宜屬焉自危四度至斗六度謂之析木之次
燕之分也

齊地虛危之分野也東有甌川東萊琅琊高密膠東
南有泰山城陽北有千乘清河以南渤海之高樂高
城重合陽信西有濟南平原皆齊分也

魯地奎婁之分野也東至東海南有泗水至淮得臨
淮之下相睢陵僊取慮皆魯分也

宋地房心之分野也今之沛梁楚山陽濟陰東平及
東郡之須昌壽張皆宋分也

衛地營室東壁之分野也今之東郡及魏郡黎陽河
內之野王朝歌皆衛分也

楚地翼軫之分野也今之南郡江夏零陵桂陽武陵
長沙及漢中汝南郡盡楚分也

吳地斗分野也今之會稽九江丹陽豫章廬江廣陵
六安臨淮郡盡吳分也

粵地牽牛婺女之分野也今之蒼梧鬱林合浦交趾
九真南海日南皆粵分也

淮南子

天文訓

星辰者天之期也虹蜺彗星者天之忌也天有九野
九千九百九十九隅去地五億萬里五星八風二十
八宿五官六府紫宮太微軒轅咸池四宮天阿何謂

九野中央曰鈞天其星角亢氏東方曰蒼天其星房心尾東北曰變天其星箕斗牽牛北方曰元天其星須女虛危營室西北方曰幽天其星東壁奎婁西方曰昊天其星胃昂畢西南方曰朱天其星衛參東井南方曰炎天其星興鬼柳七星東南方曰陽天其星張翼轸何謂五星東方木也其神為歲星其獸蒼龍南方火也其神為熒惑其獸朱鳥中央土也其神為鎮星其獸黃龍西方金也其神為太白其獸白虎北方水也其神為辰星其獸元武太陰在四仲則歲星行三宿太陰在四鉤則歲星行二宿二十八六三

四十二故十二歲而行二十八宿日行十二分度之一歲行三十度十六分度之七十二歲而周熒惑常以十月入太微受制而出行列宿司無道之國為亂為賊為疾為喪為饑為兵出入無常辨變其色時見時匿鎮星以甲寅元始建斗歲鎮行一宿當居而弗居其國亡土未當居而居之其國益地歲熟日行二十八分度之一歲行十三度百一十二分度之五十一十八歲而周太白金始以正月甲寅與熒惑晨出東方二百四十日而入入百二十日而夕出西方二百四十日而入入三十五日而復出東方出以辰戌入以丑未當出而不出未當入而入天下偃兵當入而不入當出而不出天下興兵辰星正四時常以二月春分効奎婁以五月夏至効東井與鬼以八月秋分効角亢以十一月冬至効斗牽牛出以辰戌入以丑未出二旬而入晨候之東方夕候之西方一時不出其時不和四時不出天下大饑

太微者天乙之庭也紫宮者太一之居也軒轅者帝

妃之舍也咸池者水魚之囿也天阿者羣神之闕也四官者所以為司賞罰太微者主朱雀紫宮執斗而左旋

星分度角十二亢九氏十五房五心五尾十八箕十一四分一斗二十六牽牛八須女十二虛十危十七營室十六東壁九奎十六婁十二胃十四昂十一畢十六黃鶴二參九東井三十三與鬼四柳十五星七張翼各十八軫十七凡二十八宿也

星部地名角亢鄭氏房心宋尾箕燕斗牽牛越須女吳虛危齊營室東壁衛奎婁魯胃昂畢魏黃鶴參趙東井與鬼秦柳七星張周翼轸楚歲星之所居五穀豐昌其對為衡歲乃有殃當居而不居越而之他處主死國亡也

越絕書

列國分野

韓故治今京兆郡角亢也

鄭故治角亢也

燕故治今上谷漁陽右北平遼東莫郡尾箕也

越故治今大越山陰南斗也

吳故治西江都牛須女也

齊故治臨淄今濟北平原北海郡菑川遼東城陽盧

危也

衛故治濮陽今廣陽韓郡營室壁也

魯故治太山東溫周固水今魏東奎婁也

梁故治今濟陰山陽濟北東郡畢也

晉故治今代郡常山中山河間廣平郡皆也
秦故治雍今內史也巴郡漢中隴西定襄太原安邑

東井也

周故治雍今河南郡柳七星張也

楚故治郢今南郡南陽汝南淮陽六安九江廬江豫章長沙翼軫也

趙故治邯鄲今遼東隴西北地上郡鴈門北郡清河

參也

後漢書

天文志注

星經曰歲星主泰山徐州青州兗州熒惑主常山揚州荊州交州鎮星主嵩高山豫州太白主華陰山涼州雍州益州辰星主恆山冀州幽州并州歲星主角亢氏房心尾箕熒惑主與鬼柳七星張翼轸鎮星主東井太白主奎婁胃昂畢參參辰星主斗牛女虛危室壁璇璣者謂北極也玉衡者謂斗九星也玉衡第一星主徐州常以五子日候之甲子為東海丙子為琅邪戊子為彭城庚子為下邳壬子為廣陵凡五郡

第二星主益州常以五亥日候之乙亥為漢中丁亥為永昌己亥為巴郡蜀郡梓潼辛亥為廣陵庚亥為犍為凡七郡第三星主冀州常以五戌日候之甲戌為魏郡渤海丙戌為安平戊戌為鉅鹿河間庚戌為清河趙國壬戌為恆山凡八郡第四星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵凡五郡第五星主兗州常以五辰日候之甲辰為東郡陳留丙辰為濟北戊辰為山陽泰山庚辰為濟陰壬辰為東平任城凡八郡第六星主揚州常以五巳日候之乙巳為豫章辛巳為丹陽己巳為廬江丁巳為吳郡會稽癸巳為九江

凡六郡第七星爲豫州常以五午日候之甲午爲潁州王午爲梁國丙午爲汝南戊午爲沛國庚午爲魯國凡五郡第八星主幽州常以五寅日候之甲寅爲元菟丙寅爲遼東遼西漁陽庚寅爲上谷代郡壬寅爲廣陽戊寅爲涿郡凡八郡第九星主并州常以五申日候之甲申爲五原鴈門丙申爲朔方雲中戊申爲西河庚申爲太原定襄壬申爲上黨凡八郡璇璣玉衡占色春青黃夏赤黃秋白黃冬黑黃此是常明不如此者所向國有兵殃起凡有六十郡九州所領自有分而名焉

天文志

十二次班固取三統歷十二次配十二野其言最詳又有費直說周易蔡邕月令章句所言頗有先後魏太史令陳卓更言郡國所入宿度今附而次之
自軫十二度至氐四度爲壽星于辰在辰鄭之分野屬兗州費直周易分野壽星起軫七度蔡邕月令章句壽星起軫六度自氐五度至尾九度爲大火于辰在卯宋之分野屬豫州費直起氐十一度蔡邕起亢八度自尾十度至南斗十一度爲析木於辰在寅燕之分野屬幽州費直起尾九度蔡邕起尾四度自南斗十二度至須女七度爲星紀於辰在丑吳越之分野屬揚州費直起斗十度蔡邕起斗六度自須女八度至危十五度爲元枵於辰在子齊之分野屬青州費直起女六度蔡邕起女二度自危十六度至奎四度爲娵訾於辰在亥衛之分野屬并州費直起危十四度蔡邕起危十度自奎五度至胃六度爲降婁於

辰在戌魯之分野屬徐州費直起奎二度蔡邕起奎八度自胃七度至畢十一度爲大梁於辰在酉趙之分野屬冀州費直起婁十度蔡邕起胃一度自畢十二度至東井十五度爲實沈於辰在申魏之分野屬益州費直起畢九度蔡邕起畢六度自東井十六度至柳八度爲鶉首於辰在未秦之分野屬雍州費直起井十二度蔡邕起井十度自柳九度至張十六度爲鶉火於辰在午周之分野屬三河費直起柳五度蔡邕起柳三度自張十七度至軫十一度爲鶉尾於辰在巳楚之分野屬荊州費直起張十三度蔡邕起張十二度

州郡躔次

陳卓范蠡鬼谷張良諸葛亮譙周京房張衡並云
角亢氏鄭兗州東郡入角一度東平任城山陰入角六度泰山入角十二度濟北陳留入亢五度濟陰入氐二度東平入氐七度
房心宋豫州潁川入房一度汝南入房二度沛郡入房四度梁國入房五度淮陽入心一度魯國入心三度楚國入心四度
尾箕燕幽州涼州入箕中十度上谷入尾一度漁陽入尾三度右北平入尾七度西河上郡北地遼西東入尾十度涿郡入尾十六度渤海入箕一度樂浪入箕三度元菟入箕六度廣陽入箕九度
斗牽牛須女吳越揚州九江入斗一度廬江入斗六度豫章入斗十度丹陽入斗十六度會稽入牛一度臨淮入牛四度廣陵入斗八度泗水入女一度六安入女六度

虛危齊青州齊國入虛六度北海入虛九度濟南入危一度樂安入危四度東萊入危九度平原入危十一度菑川入危十四度
營室東壁衛并州安定入營室一度天水入營室八度隴西入營室四度酒泉入營室十一度張掖入營室十二度武都入東壁一度金城入東壁四度武威入東壁六度燉煌入東壁八度
奎婁魯徐州東海入奎一度琅邪入奎六度高密入婁一度城陽入婁九度膠東入胃一度
昂畢趙冀州魏郡入昂一度鉅鹿入昂三度常山入昂五度廣平入昂七度中山入昂一度清河入昂九度信都入昂三度趙郡入昂八度安平入昂四度河間入昂十度真定入昂十三度
胃參魏益州廣漢入胃一度越巂入胃三度蜀郡入參一度犍爲入參三度牂牁入參五度巴郡入參八度漢中入參九度益州入參十度
東井與鬼秦雍州雲中入東井一度定襄入東井八度鴈門入東井十六度代郡入東井二十八度太原入東井二十九度上黨入與鬼一度

柳七星張周三輔弘農入柳一度河南入七星三度河東入張一度河內入張九度
翼軫楚荊州南陽入翼六度南郡入翼十度江夏入翼十二度零陵入軫十一度桂陽入軫六度武陵入軫十度長沙入軫十六度
唐書
天文志
初貞觀中淳風譔法象志因漢書十二次度數始以

唐之州縣配焉而一行以爲天下山河之象存乎兩戒北戒自三危積石負終南地絡之陰東及太華逾河並雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳外方桐柏自上洛南逾江漢據武當荆山至於衡陽乃東循嶺微達東甌閩中是謂南紀所以限邊裔也故星傳謂北戒爲胡門南戒爲越門河源自北紀之首循雍州北微達華陰而與地絡相會並行而東至太行之曲分而東流與涇渭濟瀆相爲表裏謂之北河江源自南紀之首循梁州南微達華陽而與地絡相會並行而東及荆山之陽分而東流與漢水淮瀆相爲表裏謂之南河故於天象則弘農分陝爲兩河之會五服諸侯在焉自陝而西爲秦涼北紀山河之曲爲晉代南紀山河之曲爲巴蜀皆負險用武之國也自陝而東三川中嶽爲成周西距外方大伾北至於濟南至於淮東達鉅野爲宋鄭陳蔡河內及濟水之陽爲鄒衛漢東濱淮水之陰爲申隨皆四戰用文之國也北紀之東至北河之北爲邢趙南紀之東至南河之南爲荆楚自北河下流南距岱山爲三齊夾右碣石爲北燕自南河下流北距岱山爲鄒魯南涉江淮爲吳越皆負海之國貨殖之所阜也自河源循塞垣北東及海爲戎狄自江源循嶺微南東及海爲蠻越觀兩河之象與雲漢之所始終而分野可知矣於易五月一陰生而雲漢潛萌於天稷之下進及井鉞間得坤維之氣陰始達於地上而雲漢上升始交於列宿七緯之氣通矣東井據百川上流故鶉首爲秦蜀墟

得兩戒山河之首雲漢達坤維右而漸升始居列宿上觜觿參伐皆直天關表而在河陰故實沈下流得大梁距河稍遠涉陰亦深故其分野自漳濱卻負恆山居北紀衆山之東南外接髦頭地皆河外陰國也十月陰氣進踰乾維始上達於天雲漢至營室東壁間升氣悉究與內規相接故自南正達於西正得雲漢升氣爲山河上流自北正達於東正得雲漢降氣爲山河下流厥嘗在雲漢升降中居水行正位故其分野當中州河濟間且王良閣道由紫垣絕漢抵營室上帝離宮也內接成周河內皆宋韋分十一月一陽生而雲漢漸降退及良維始下接於地至斗建間復與列舍氣通於易天地始交泰象也踰析木津陰氣益降進及大辰升陽之氣究而雲漢沈潛於東正之中故易雷出地曰豫龍出泉爲解皆房心象也星紀得雲漢下流百川歸焉析木爲雲漢末派山河極焉故其分野自南河下流窮南紀之曲東南負海爲星紀自北河未派窮北紀之曲東北負海爲析木負海者以其雲漢之陰也唯厥嘗內接紫宮在王畿河濟間降婁元枵與山河首尾相連邇顓頊之墟故爲中州負海之國也其地當南河之北北河之南界以岱宗至於東海自鶉首踰河戒東曰鶉火得重離正位軒轅之祇在焉其分野自河華之交東接祝融之墟北負河南及漢蓋襄輿之所均也自析木紀天漢而南曰大火得明堂升氣天市之都在焉其分野自鉅野岱宗西至陳雷北負河濟南及淮皆和氣之所布也陽氣自明堂漸升達於龍角曰壽星龍角謂之天關於易氣以陽決陰夫象也升陽進踰天關得純

乾之位故鶉尾直建巳之月內列太微爲天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽城際之亦異維地也夫雲漢自坤抵艮爲地紀北斗自乾攜巽爲天綱其分野與帝車相直皆五帝墟也究咸池之政而在乾維內者降婁也故爲少昊之墟叶北宮之政而在乾維外者輿嘗也故爲顓頊之墟成攝提之政而在巽維內者壽星也故爲太昊之墟布太微之政而在巽維外者鶉尾也故爲列山氏之墟得四海中承太階之政者軒轅也故爲有熊氏之墟木金得天地之微氣其神治於季月水火得天地之章氣其神治於孟月故章道存乎至微道存乎終皆陰陽變化之際也若微者沈潛而不及章者高明而過亢皆非上帝之居也斗杓謂之外庭陽精之所布也斗魁謂之會府陽精之所復也杓以治外故鶉尾爲南方負海之國魁以治內故輿嘗爲中州四戰之國其餘列舍在雲漢之陰者八爲負海之國在雲漢之陽者四爲四戰之國降婁元枵以負東海其神主於岱宗歲星位焉星紀鶉尾以負南海其神主於衡山參惑位焉鶉首實沈以負西海其神主於華山太白位焉大梁析木以負北海其神主於恆山辰星位焉鶉火大火壽星宋韋爲中州其神主於嵩丘鎮星位焉近代諸儒言星土者或以州或以國虞夏秦漢郡國廢置不同周之典也王畿千里及其衰也僅得河南七縣今又天下一統而直以鶉火爲周分則疆場舛矣七國之初天下地形雌韓而雄魏魏地西距高陵盡河東河內北固漳鄴東分梁宋至於汝南韓

據全鄭之地南盡潁川南陽西達號略距函谷固宜陽北連上地皆綿互數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明效今在織句之中矣而或者猶據漢書地理志推之是守甘石遺術而不知變通之數也又古之辰次與節氣相係各據當時曆數與歲差遷徙不同今更以七宿之中分四象中位自土元之首以度數紀之而著其分野其州縣雖改隸不同但據山河以分爾須女虛危元枵也初須女五度餘二千三百七十四秒四少中虛九度終危十二度其分野自濟北東踰濟水涉平陰至於山往循岱岳衆山之陰東南及高密又東盡萊夷之地得漢北海千乘淄川濟南齊郡及平原渤海九河故道之南濱於碣石古齊紀祝淳于萊譚襄及斟尋有過有蒲姑氏之國其地得姬訾之下流自濟東達於河外故其象著爲天津絕雲漢之陽凡司人之星與羣臣之錄皆主虛危故岱宗爲十二諸侯受命府又下流得姦女當九河末派比於星紀與吳越同占營室東壁姬訾也初危十三度餘二千九百二十六秒一太中營室十二度終奎一度自王屋太行而東得漢河內至北紀之東隅北負漳鄴東及館陶聊城又自河濟之交涉滎波濱濟水而東得東郡之地古邯鄲衛凡邢邴雍共微觀南燕昆吾豕韋之國自閣道王良至東壁在家韋爲上流當河內及漳鄴之南得山河之會爲離宮又循河濟而東接元枵爲營室之分奎婁降婁也初奎二度餘千二百一十七秒十七少中婁一度終胃

三度自蛇丘肥成南屆鉅野東達梁父循岱岳衆山之陽以負東海又濱泗水經方輿沛雷彭城東至於呂梁乃東南抵淮並淮水而東盡徐夷之地得漢東平魯國琅邪東海泗水城陽古魯薛邾莒小邾徐鄆鄆郛邾郚任宿須句顓臾牟遂鑄夷介根牟及大庭氏之國奎爲大澤在姬訾下流當鉅野之東陽至於淮泗婁胃之墟東北負山蓋中國膏腴地百穀之所阜也胃得馬牧之氣與冀之北土同占胃昂畢大梁也初胃四度餘二千五百四十九秒八太中昂六度終畢九度自魏郡濁漳之北得漢趙國廣平鉅鹿常山東及清河信都北據中山真定全趙之分又北逾衆山盡代郡鴈門雲中定襄之地與北方羣狄之國北紀之東陽表裏山河以蕃屏中國爲畢分循北河之表西盡塞垣皆髦頭故地爲昂分冀之北土馬牧之所蕃庶故天苑之象存焉觜參伐實沈也初畢十度餘八百四十一秒四之一中參七度終東井十一度自漢之河東及上黨太原盡西河之地古晉魏虞唐耿陽霍冀黎郃與西河戎狄之國西河之濱所以設險限秦晉故其地上應天關其南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲觜觸之分東井與鬼鶉首也初東井十二度餘二千一百七十二秒十五太中東井二十七度終柳六度自漢三輔及北地上郡安定西自隴坻至河右西南盡巴蜀漢中之地及西南夷犍爲越嶲益州郡極南河之表東至群

荆古秦梁幽芮豐畢駘杠有扈密須庸蜀羌髡之國東井居兩河之陰自山河上流當地絡之西北輿鬼居兩河之陽自漢中東盡華陽與鶉火相接當地絡之東南鶉首之外雲漢潛流而未達故狼星在江河上源之西弧矢大雞皆微外之備也西羌吐蕃吐谷渾及西南徼外夷人皆占狼星柳七星張鶉火也初柳七度餘四百六十四秒七少中七星七度終張十四度北自榮澤滎陽並京索暨山南得新鄭密縣至外方東隅斜至方城抵桐柏北自宛葉南暨漢東盡漢南陽之地又自雒邑負北河之南西及函谷逾南紀遠武當漢水之陰盡弘農郡以淮源桐柏東陽爲限而申州屬壽星古成周號鄭管鄆東就密滑焦唐隨申鄆及祝融氏之都新鄭爲軒轅祝融之墟其東鄙則入壽星柳在輿鬼東又接漢源當商洛之陽接南河上流七星係軒轅得土行正位中岳象也河南之分張直南陽漢東與鶉尾同占翼軫鶉尾也初張十五度餘千七百九十五秒二十二太中翼十二度終軫九度自房陵白帝而東盡漢之南郡江夏東達廬江南部濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象龔繡客白廬州已西亦鶉尾之墟古荆楚鄆都羅權巴夔與南方蠻貊之國翼與味張同象當南河之北軫在天關之外當南河之南其中一星主長沙逾嶺微而南爲東甌青丘之分安南諸州在雲漢上源之東陽宜屬鶉火而柳七星張皆當中州不得連負海之地故麗於鶉尾角亢壽星也初軫十度餘八十七秒十四少中角八度終氐一度自原武

管城濱河濟之南東至封丘陳畱盡陳蔡汝南之地
逾淮源至於弋陽西涉南陽郡至於桐柏又東北抵
嵩之東陽中國地絡在南北河之間首自西傾極於

陪尾故隨申光皆豫州之分宜屬鶉火古陳蔡許息
江黃道柏沈賴蓼須頓胡防弦厲之國氏涉壽星當
洛邑衆山之東與亳土相接次南直頽水之間曰太
昊之墟爲亢分又南涉淮氣連鶉尾在成周之東陽
爲角分氏房心大火也初氏二度餘千四百一十九
秒五太中房二度終尾六度自雍丘襄邑小黃而東
循濟陰界於齊魯右泗水達於呂梁乃東南接太昊
之墟盡漢濟陰山陽楚國豐沛之地古宋曹鄆滕茅
郛蕭葛向城偃陽申父之國商亳負北河陽氣之所
升也爲心分豐沛負南河陽氣之所布也爲房分其
下流與尾同占西接陳鄭爲氐分尾箕析木津也初
尾七度餘二千七百五十秒二十一少中箕五度終
南斗八度自渤海九河之北得漢河間涿郡廣陽及
上谷漁陽右北平遼西遼東樂浪玄菟古北燕孤竹
無終九夷之國尾得雲漢之末派龜魚麗焉當九河
之下流濱於渤海皆北紀之所窮也箕與南斗相近
爲遼水之陽盡朝鮮三韓之地在吳越東南斗牽牛
星紀也初南斗九度餘千四百一十二秒十二太中南斗
二十四度終女四度自廬江九江負淮南盡臨淮
廣陵至於東海又逾南河得漢丹陽會稽豫章西濱
彭蠡南涉越門訖蒼梧南海逾嶺表自韶廣以西珠
崖以東爲星紀之分也古吳越羣舒廬桐六蓼及東
南百越之國南斗在雲漢下流當淮海間爲吳分牽
牛去南河遠自豫章迄會稽南逾嶺微爲越分島

夷蠻貊之人聲教所不暨皆係於狗國云
地理通釋

星土

鄭司農說星土以春秋傳曰參爲晉星商主大火國
語曰歲之所在則我有周之分野之屬是也康成謂
九州諸國中封域於星亦有分焉其書亡矣堪輿雖
有郡國所入度非古數也今其存可言者十二次之
分也星紀吳越也元枵齊也氐營衛也降婁魯也大
梁趙也實沈晉也鶉首秦也鶉火周也鶉尾楚也壽
星鄭也大火宋也析木燕也此分野之妖祥主用客
星其字之氣爲象孔氏曰星紀在於東北吳越實在
東南魯衛東方諸侯遙屬戌亥之次又三家分晉方
始有趙而韓魏無分趙獨有之漢書地理志分郡國
以配諸次其地分或多或少鶉首極多鶉火甚狹徒
以相傳爲說其源不可得聞於其分野或有妖祥而
爲占者多得其效蓋古之聖哲有以度知非後人所
能測也陳氏曰九州十二域或繫之北斗或繫之
二十八宿或繫之五星雍正魁翼主樞青兗主機揚徐
主權荆主衡梁主開陽豫主瑤光此繫之北斗者也
星紀吳越元枵齊氐營衛降婁魯大梁趙實沈晉鶉
首秦鶉火周鶉尾楚壽星鄭大火宋析木燕此繫之
二十八宿者也歲星主齊吳熒惑主楚越鎮星主王
子太白主大臣辰星主燕趙代此繫之五星者也然
吳越南而星紀在丑齊東而元枵在子魯東而降婁
在戌東西南北相反而相屬何耶先儒以謂古者受
封之日歲星所在之辰其國屬焉觀春秋傳凡言占
相之術以歲之所在爲福歲之所衝爲災故師曠梓

慎碑竈之徒以天道在西北而晉不害歲在越而吳
不利歲淫元枵而宋鄭饑歲棄星紀而周楚惡歲在
禾韋而蔡禍歲及大梁而楚因則古之言星次者未
嘗不視歲之所在也梓慎曰龍宋鄭之星也宋大辰
之墟也陳太皞之墟也鄭祝融之墟也皆火房也衛
高陽之墟也其星爲大水以陳爲火則太皞之木爲
火母故也以衛爲水則高陽水行故也子產曰遷閼
伯於商丘主辰商人是因故辰爲商星遷實沈於大
夏主參唐人是因故參爲晉星然則十二域之所主
亦若此也易氏曰在諸侯則謂之分星在九州則謂
之星土九州星土之書亡矣今其可言者十二國之
分考之傳記裁祥所應亦有可証而不誣者昭十年
有星出於婺女鄭裨竈曰今茲歲在顓頊之墟姜氏
任氏實守其地釋者以顓頊之墟爲元枵此元枵爲
齊之分星而青州之星土也昭三十二年吳伐越晉
史墨曰越得歲而吳伐之必受其凶釋者以爲歲在
星紀此星紀爲越之分星而揚州之星土也昭元年
鄭子產曰成王滅唐而封大叔焉故參爲晉星實沈
爲參神此實沈爲晉之分星而并州之星土也襄九
年晉士弱曰陶唐氏之火正閼伯居商丘相土因之
故商主大火此大火爲宋之分星而豫州之星土也
昭十七年星孛及漢申須曰漢水祥也衛顓頊之墟
故爲帝丘其星爲大水此氐營爲衛之分星而冀州
之星土也襄二十八年春無冰梓慎曰歲在星紀而
淫於元枵蛇乘龍宋鄭之星此壽星爲鄭之分星
而亦豫州之星土也鄭語周史曰楚重黎之後也黎
爲高辛氏火正此鶉尾爲楚之分星而荊州之星土

也爾雅曰析木謂之津釋者謂天漢之津梁爲燕此析木爲燕之分星而幽州之星土也以至周之鴛火秦之鴛首趙之大梁魯之降婁無非以其州之星土而爲其國之分星所占災祥其應不差然亦有可疑者武王伐殷歲在鴛火伶州鳩曰歲之所在我有周之分野蓋指鴛火爲西周豐岐之地今乃以當洛陽之東周何也周平王以豐岐之地賜秦襄公而其分星乃謂之鴛首又何也如燕在北而配以東方之析木魯在東而配以西方降婁秦居西北而鴛首次於東南吳越居東南而星紀次於東北此皆稽之分野有不合者賈氏以爲古者受封之月歲星所在之辰恐不其然若謂受封之辰則春秋戰國之諸侯以之占妖祥可也後世占分野而妖祥亦應皆古者受封之辰乎此堪輿之書雖足攷古而言郡國所入之度則非古之法理道要訣云季周上配天象有十三國呂氏云十二次蓋戰國言星者以當時所有之國分配之唐氏云子產言封實沈於大夏主參封閼伯於商丘主辰則辰爲商丘分參爲大夏分其來已久非因封國始有分野若封國歲星所在卽爲分星則每封國自有分星不應相土因閼伯晉人因實沈矣漢魏諸儒辰次度各用當時曆數與歲差遷徙非天象度數之正惟一行下觀山河兩戒上考雲漢終始斗柄內外定分星之次更以七宿之中分四象中位自上元之首以度數紀之著其分野最得天象之正宋葉時禮經會元

分星

分野之疑何如乎曰一鄭之釋周禮也案大司徒以

土宜之法辨十有二土之名物康成以爲十二土分野十二邦繫十二次各有所宜保章氏曰以星土辨九州之地所封域各有分星司農引春秋傳曰參爲晉星商主大火國語曰歲之所在則我有周之分野是也康成則曰今其存可言者十二次之分也此分野之辯所以紛紛而不一歟自時厥後或以十二州配之或以列郡配之或以山河兩界配之或以七星主九州或以七星主七國或繫之二十八宿或繫之五星紛紛異論是以學者多疑焉主分野之是者則曰自柳九度至張十六度爲鴛火之次當周之分武王克商歲在鴛火伶州鳩曰歲之所在則我有周之分野則周屬鴛火可知自畢十二度至東井十五度爲實沈之次當晉之分晉文卽位歲在實沈董固曰實沈之次晉人是居則晉屬實沈可知自張十七度至軫十七度爲鴛尾之次當楚之分魯襄公二十八年歲淫於元枵而禪竈知楚子之將死且曰歲棄其次而旅於明年之次以害鳥帑周楚惡之說者謂帑鳥尾也則楚屬鴛尾可知自氐五度至尾九度爲大火之次當宋之分昭公十七年星見大辰而梓慎知宋之將火且曰宋大辰之墟鄭祝融之墟也皆火房也說者謂辰大火也則宋屬大火可知此則分野之說爲不疑矣辯分野之非者則曰吳越南而星紀北齊東而元枵北衛東而蠓訾北魯東而降婁西周宅中土而柳星乃位乎南以柳星爲周可乎秦在西北而井鬼乃在平西南以井鬼爲秦可乎黃參在西魏在東北以黃參爲魏可乎角亢東宿鄭在滎陽而屬於角可乎昂畢西宿趙居河朔而屬於昂畢可乎

又曰牛女北也史記謂之揚州虛危北也史記謂之青州昂畢西也史記謂之冀州奎婁西也史記謂之徐州魏冀州之國也晉則不屬於冀而屬於益魯兗州之國也魯則不屬於兗而屬於徐此則分野之說爲可疑矣然略分野之說而不信則周禮不應有星土之辨拘分野之說以爲驗則左氏未免有傳會之誣更以左氏考之無冰之災何關於元枵星紀而梓慎以爲宋鄭之饑日蝕之變何與於奎降婁而士文伯以爲魯衛之惡星紀果同爲吳分則吳亦得歲史墨何以謂之越得歲吳伐之必受其凶參墟果爲晉分則實沈爲星子產何以謂之高辛之子而能爲晉侯之祟此左氏之說又不足信也又以史冊觀之四星聚牛女而晉元王吳四星聚黃參而齊祖王魏彗星掃東井而苻堅亡秦彗星見箕尾而慕容德復燕此又分野之驗而未可以盡略之也蓋星土分星本不可以州國拘也且以職方氏言地理必指其東西南北之所在山鎮川澤之所分民畜穀利之所有獨於天文之紀如司徒只言十有二土未嘗斥言其所應者何次保章氏言星土辨九州之地不明言其所辨者何星是星土分星不可以州國定名亦明矣愚以保章觀之隨其土之所屬應其星之所臨故謂之星土辨九州之地非如鄭氏言十二邦繫十二次也隨其國之所封屬其星之所在故謂之所封域皆有分星亦非如賈氏言受封之日歲星所在國屬焉夫九州上應星土則三百餘度皆有其驗豈特十二次而已乎封域皆有分星則千八百國皆有所屬豈特十二國而已乎九州之土皆配星九州之國皆

有分故因其星可以辨其州之地因其分可以觀其國之妖祥保章氏之說如是而已說者何必牽合傳會而定指後世郡國之名以求配之也昔孔子作春秋日蝕星隕之變無所不記豈必皆周魯之分而後言之乎五星聚東井漢人奉之應也崔浩嘗言其不在十月司馬公作通鑑乃棄之而不取而歐陽志唐天文凡日蝕星字之變一一記之而獨不言其事應亦豈拘拘於分野之說哉大抵周官所辨者欲以觀妖祥爾天子之所觀九州也諸侯所觀一國也諸侯一國分星而驗一國天子以九州星土而辨九州諸侯觀一國之妖祥而為一國之備可也天子可以諉之一國分星之所屬而不為之救政序事乎知乎此則可以言星土分星之說矣

鄭樵六經輿論

分野辨

案保章氏以星土辨九州之地所封域皆有分星如此則分星之說其來尚矣然古之星經至漢散亡保章氏分星不可考今堪輿所載雖有郡國所入度非古數也鄭氏所引十二次之分本漢地理志大略見於左氏國語然漢費直班固蔡邕魏陳卓唐李淳風僧一行諸家之說大同小異其為十二州之分星明矣然嘗疑之青正東元枵在正北雍正西鶉首在其南揚在東南而星紀在北冀在東北而大梁在正西徐在東而降婁在西豫與三河居天下之中而大火在正東鶉火在西南此其最差者也并在北而輒嘗在北荆正南而鶉尾在南此其正得躔次者也益在西南而實沈在西南在東北而析木在東兌在東

而差北而壽星反在東北其得躔次之微差者也又何耶國語伶州鳩曰昔武王伐商歲在鶉火周分又云歲之所在即我分野賈公彥取為正義曰分星者以諸國始分封之年值歲星所在之辰以為之分次此說非不知國有分星蓋古人封國之初命以主祀之意昔堯舜封關伯於商丘主辰則辰為商星商人是因封實沈於大夏主參在參為夏星唐人是因唐後為晉參為晉星如此則是古人始封國命以主祀之意無疑辰為商星參為晉星其來久矣非因封國始有分星使封國之時歲星所在即為分星不應相土因關伯晉人因實沈其為封國命祀之意可考矣漢魏諸儒言星土者或以州或以國辰次度數各因當時歷數與歲星遷徙亦非天文之正不可為據又况魏徙大梁則西河合於東井秦拔宜陽則上黨入於輿鬼方戰國未滅時星象之言要有明驗今則同在句讖之內或者又執漢書地理以求之則非也善乎唐一行之言十二次也惟以雲漢始終言之雲漢江河之氣也認山河脈絡於南戒識雲漢升沈於四維下參以古漢郡國其於區處分野之所在如指諸掌蓋星有氣耳雲漢也北斗也五星也無非是氣也一行之學其深矣乎

癸辛雜識

辨分野

世以二十八宿配十二州分野最為疎誕中間僅以畢昂二星管異域諸國殊不知十二州之內東西南北不過綿互一二萬里外國動是數萬里之外不知幾中國之大若以理言之中國僅可配斗牛二星而

已後來添鄭漁仲亦云天之所覆者廣而華夏之所占者牛女下十二國中耳牛女在東南故釋氏以華夏為南瞻部州其二十八宿所管者多十二國之分野隨其所隸耳趙韓王嘗有疏云五星二十八宿在中國而不在外國斯言至矣

圖書編

星野合論

今天天氣也而成文地形也而有理形不得不散而為氣氣不得不聚而成形星辰者地之精氣上發於天者也天有三垣旁列四隅天中極星崑崙之墟也天門明堂太山之精也汧岐雷首太嶽砥柱東方之宿也而蒼龍奠位於左矣太行常山碣石朱圉北方之宿也而元武奠位於後矣烏鼠太華熊耳桐柏西方之宿也而白虎奠位於右矣荆山大別岷衡九江南方之宿也而朱雀奠位於前矣星官之書自黃帝始嗣是而欽若天象者代不乏人顧金繩王策之書不可得而窺也所可傳者天有十二次而日月躔焉地有十二野而郊圻畫焉自今觀之雍正魁翼主樞青兗主機而揚徐荆梁豫莫不有主焉此繫之北斗者也歲星主齊吳楚主楚越辰星主燕趙代而鎮而金亦莫不有主焉此繫之五星者也角亢壽星鄭也氐房心大火宋也尾箕析木燕也斗牛星紀吳楚也女虛危元枵齊也室壁姬晉也奎婁降婁魯也胃昂畢大梁趙也觜參實沈晉也井鬼鶉首秦也柳星張鶉火周也翼轸鶉尾楚也此繫之二十八宿者也星有七州有九兗青徐揚并屬二州此七星所以主九州而七國亦在其中矣然方隅躔次東西南北

每每相背者則賈公彥謂古者受封之月歲星所在之辰其國屬焉似也然有封國自有分星非因封國而始有虞夏秦漢郡國廢置有前後狹廣之不齊則歲之所在不可執泥以為常晉屬實沈者高辛之子

主祀參星宋屬大火者閼伯之墟主辰似也然齊屬元枵逢公託食既非所主之國而吳越同次燕陳其分又非所祀之專則主祀之說亦未敢以為然矣善乎唐一行有言星土以精氣相屬而不係乎方隅其占以山河為限而不係乎州國庶幾為可近焉故地有水火木金土之形天有水火木金土之星一形一象交而精氣自屬非如地在北而分星之在天者亦居北地在南而分星之在天者亦居南也同一中星也一則取義之不同蓋星適昏中則以星言如星虛星昴是也星不當中則以次言如尾火是也次不當中而適界乎兩次之間則以象言如星鳥是也一則所舉之不同者蓋書言分至之所中月之本也故春夏舉鳥火秋冬舉虛昴是也月令言昏旦之所見月之中也故春夏舉弧亢秋冬舉牛壁是也夫天之高也星辰之遠也觀緯而審祲祥者恆推天以合人然天之理即人之理也因祲祥而修德政者當以人而合天何者民之麗乎土猶星之麗乎天也君之統乎民猶北極之統乎星也古之聖人有見乎此道之所在固嘗以經法天矣而猶察昏見之辰知緩急之序觀鳥中則授民以種稷之時焉觀火中則授民以種黍之時焉觀虛中則授民以種麥之時焉觀昴中則授民以伐木之時焉而順五行以理陰陽又剛克柔克迭用以出治焉始之乎情性之正著之乎事為之

施措之乎悠久之道動之乎氣機之間則天不愛道地不愛寶河出圖而洛出書矣此豈無自而然哉若宋有善言而退令齊無穢德而可禳非無一事之徵終為適然之數未敢以為應天之實也

星度職方合論

周禮馮相保章氏司天察變皆有定職不可易也自是而後各國代有其官而占測之法往往見諸史冊至漢諸家濫觴愈極矣且自星度言之靈憲論曰中外常明者百有二十四可名者三百二十為星二千五百微星之數萬有一千二百五十庶物蠢動咸有繫命而星之變昭焉三垣之外有中星者聖人南面視四時之中以布政者也詳著於尚書鳥火虛昴之四宿而月令之中星與大統之中星又不同焉觀孔穎達之疏陳詳導之書可見矣至於經星則二十八宿之分羅四方而奠其位緯星則太白辰星填歲熒惑之別盡周天以稽其行經則隨天而緯則順度熒惑者迭見是咎之方九難豫定者也至若瑞星出於隋志景星周伯含譽格澤是也而中興志瑞十有二焉何其多乎或者謂元保以下悉係妖星是則各窮所見矣而分野之疑秦漢郡國李唐州縣或係之北斗或係之二十八宿或係之五星蓋因地制有殊而為星應之迥別耳甚者緯象以迎占移地以合術而吉凶之僭其能一定乎日有中道月有九行或出之司天考或詳之王朴之論或定之王蕃之占蓋因度數不齊而為運行之差異耳甚者疑井寬而鬼狹歲疾而填遲而占測之宜其能的據乎世久術湮而象緯之學得其要者蓋亦寡矣自今觀之蓋因其故而

推之乎是故中星也察四仲則據堯典之詳而孟季則本月令之演經星也觀方位則審一定之則而羅布則驗所繫之星緯星也而順逆休囚旺相微焉瑞星也而遲速經歷色象昭焉九道也據黃道以察其絃而七政不愆分野也據限度以明其地而二十八宿不亂要而論之各有一定之故繫象環於九道度數錯於周天吾知黃道大差九道皆定斯其簡明之法耳故先儒曰不難於規赤道而難於規黃道賈其然乎能循其故而星變之周旋於外者凌歷薄蝕飛字順逆雖若不齊隨所值之方察各分之地一推算焉而往來愆忒之應莫能逃矣又何必稽之元遠然後謂之觀天文也哉周禮司徒職方氏掌地制域皆有成規不可易矣自是而後歷代互有攻伐而經理之宜每每垂諸編謨至元符以來土地愈廣矣且自外國言之西盡于閩龜玆東極夫餘挹婁北窮樓蘭南究瘴海疆域不下數萬餘里釐為郡邑設以關津而地之勢極焉是故朝鮮破於漢高至武帝開之而立元菟樂浪之名隋令漢王討之唐令蘇定方征之至李勣滅其國而暫定焉雖虛置曲盡其方而叛合不常終至疲中國而無尺寸之利南越之地漢分儋耳珠崖南海蒼梧合浦鬱林九真日南等郡而以交州刺史領之武德有總管之稱至德建都護之府至曲承美奪其地而賈亂焉雖防禦各有其道而繼代不一終至事遠征而無輪服之誠左將之擊可謂盡制置之法矣卒之夏參來降而增具番臨屯之部豈中華之力果能致之乎亦其敵之相疑成之耳朱鋁之使可謂得撫安之策矣卒之黎桓肆虐而言番禹

歐越之侵豈朝廷之命不足制之乎抑其蠻之習詐致之乎又外國地遠而經略之久得其實者蓋亦鮮矣蓋因其勢而究之乎是故量遠邇之宜守要害以扼其衝慎邊防以通其使審內外之辨富民力以固其本蒞中土以納其降或航海也嚴太宗之禁勿使之知險夷虛實之情而南邕鴨綠牙校不得以私通或諭蠻也謹貞觀之符勿使之行欺詐異同之術而渤海交州吏使咸懷其至信要而言之各有不異之勢也若事外而忘內虛己以制人吾知衆不可使地不可耕斯其財力俱困耳故先儒謂不難於勤遠而難於篤近信其然乎能究其勢而土地之控制於外者廣狹奢儉理亂貧富雖若不齊隨五方之制鑒絕域之圖一酌量焉而緩急輕重之理莫能越矣何必謀之遐微然後謂之知地理也哉是故天文之觀觀以故也而其詳於淳風之渾儀一行之游儀而已矣其他隱樓覆矩鐵極銅匱各有一時之妙而占測之法皆出二子技藝之餘地理之察察以勢也而莫備於商之四方諸令周之王會圖而已矣其他拓邊啓疆事遠勤兵各精一時之業而緩懷之道罕出二代包羅之外由是觀之牽合事應之變微倖分外之圖皆昔人無益之舉耳而豈所以垂謨後世也哉

分野總敘

分野之說蓋以星之在天者而分在地之土也觀周禮大司徒言土宜辨十二土未言所辨何土保章氏言星土辨九州未言所辨何星嘗以天象二十二州之名考之或者春秋戰國時因星土之義而詳其說乎但以列國差參不齊之地而配乎在天一定之星

諸家辨其非誠有然者易曰在天成象在地成形雖以列星象官象民象物且莫不驗也況天地本一氣也謂其無所關焉可乎惟唐僧一行則以天下山川之象存乎兩界而分野一以山川爲界不主封國郡邑之名庶乎近之今載二十八宿分應地理并存古九州分星圖合觀之分星分土可得其概已

星宿次度分屬天下州郡國邑考

自軫十二度爲壽星於辰在辰鄭之分野屬兗州

費直起軫七度蔡邕起軫六度

自氐五度至尾九度爲大火於辰在卯未之分野屬豫州

費直起氐十一度蔡邕起氐九度

自尾十度至斗十一度爲析木於辰在寅燕之分野屬幽州

費直起尾九度蔡邕起尾四度

自斗十二度至女七度爲星紀於辰在丑吳越之分野屬揚州

費直起斗十度蔡邕起斗六度

自女八度至危十五度爲元枳於辰在子齊之分野屬青州

費直起女六度蔡邕起女二度

自危十六度至奎四度爲輿嘗於辰在亥衛之分野屬并州

費直起危十四度蔡邕起危十度

自奎五度至胃六度爲降婁於辰在戌魯之分野屬徐州

費直起奎六度蔡邕起奎八度

自胃七度至畢十一度爲大梁於辰在酉趙之分野屬冀州

費直起胃十度蔡邕起胃一度

自畢十二度至東井十五度爲實沈於辰在申魏之分野屬益州

費直起畢九度蔡邕起畢六度

自井十六度至柳八度爲鶉首於辰在未秦之分野屬雍州

費直起井十二度蔡邕起井十度

自柳九度至張十六度爲鶉火於辰在午周之分野屬三河

費直起柳五度蔡邕起柳二度

自張十七度至軫十一度爲鶉尾於辰在巳楚之分野屬荊州

費直起張十三度蔡邕起張十二度

總論分野

分野視分星古不謂地也地有彼此之不齊而分野在天則一定而不易以彼此不齊之地必欲求配於在天十二次整然之分野其說之難通也固宜蓋天有三垣紫微太微天市是也紫微太微皆將相輔佐之位而天市下垣則列國星宿之所在其星東南二十二宋南海燕東海徐吳越齊中山九河趙越韓楚巴蜀秦周鄭晉河間河中曰分野者指列宿所屬之分而言也鄭氏所謂星土星所主土是也其國在此而星則在彼彼此若不相配而其爲象未嘗不相屬非地之在北者其分野在天亦居北地之在南者分野在天亦居南也列國之在天下彼此縱橫之不齊